



UNIVERSITÄTS-
BIBLIOTHEK
PADERBORN

**BREVIS|| INSTRVCTIO|| AD CORROBORAN-||DOS AC
IVVANDOS MO-||RITVROS, EOS PRAESERTIM|| qui ob
flagitia sua, publica Iudi-||cum sententia morti ad-||dicti
sunt:||**

Isella, Francesco

Coloniae Agrippinae, 1588

VD16 I 344

Articulus XI.

[urn:nbn:de:hbz:466:1-60044](https://nbn-resolving.org/urn:nbn:de:hbz:466:1-60044)

60 INSTRVCTIO AD

Hiis, similibusque amplificationibus addi potest afflicto animus, ut statuat voluntariè pro amore sui Domini Saluatoris mori, cum persuasione, quod tandem omnia recident in suã utilitatem. Etenim Dominus non eget bonorum nostrorum; sed tantus est amor eius erga nos, & in tantum optat bonum nostrum, ut quicquid faciamus pro salute animæ nostræ, id acceptet, remuneretq; non aliter, quã si sibi factum esset. Addi etiam potest meritum, quod (si voluntariè moriatur) habiturus est, fore maximum; quod autẽ ille oblaturus est, nihil erit: vita namque semel, quocunq; id fiat modo, est amittenda: estque in potestate & manu Domini, illud quocunque velit momento auferre.

Articulus XI.

Christus mater eius & sancti introducantur cū captiuo loquentes.

Ut autem captiuus magis moueatur ad oblationem hæc spontaneam, potest introduci Dominus, quasi cū eo colloquens, eumque ad voluntariè moriendum inuitans: ipse namq; triginta annis laborauit pro illo, & tot pœnas sustinuit, possuntq; in persona Domini omnes illæ pœnæ speciatim enumerari; quas tempore suæ passio-

IVVANDOS MORIENTES. 61

passionis toleravit. Potest etiam introduci sanctissima Christi mater, vrgēs & instans, vt captivus se conformem faciat voluntati sui filij, doceatque, quàm iustis titulis debeat illi obtemperare, quæ ad salutem mundi benedictum illum & suavem vteri sui sacratissimi fructum protulit; quæ est Aduocata nostra, & intercedit continuè pro nobis, quæque suis precibus nos semper ab insidijs & impugnationibus Diaboli defendit.

Potest introduci & Angelus custos eius, persuadens illi ad mortem voluntariam, commemorando, quanta cum diligentia, charitate & patientia illum tanto tempore custodiuit; quomodo defendit illum à Dæmonibus, & liberauit à multis periculis.

Introducantur omnes Sancti; specialiter verò Martyres, qui exhortentur illum ad fortiter mortem oppetendam pro Domino, quomodo & ipsi mortui sunt morte crudelissima, & sine culpa: faciant mentionē, quomodo semper intercedunt pro illo, quodq; amāt illum eum in modū, vt nunc quoq; gaudeant, eum & pœnarum & meritorum fore participem.

Finita

62 INSTRUCTIO AD

Via emula-
tie addēda.

Finita hac consideratione, ostendunt Fratres, se sancta quadam vri æmulatione, ipsique captiuo quodammodo inuidere, quod moritur, quomodo mortuus est eius Dominus, & tot sancti Martyres: quod tempus habet se præparandi tam præmeditatū: quod securus est, se non moriturum ex improviso, & quod habet occasione (vt diximus) gratificādi Domino Deo, B. Mariæ Virgini, Angelo custodi, Sanctis alijs, totique cœlesti Curie, qui omnes desiderant, & promouebunt eius salutem suis intercessionibus, si mortem solūm constanter & prompto animo velit sustinere.

Potest etiam his subiungi; Quod si secus fecerit illum debito suo non satisfacturum, & tanto merito priuandum: Dæmones gauisuros qui nihil aliud optant, nihil magis cupiunt, quàm perditionem eius: & cōdemnabitur cū illis ad pœnas Inferni sempiternas.

Articulus XII.

Christū B.
Mariam, San-
ctosq; om-
nes captiui
animam ex-
pectare.

Admonendus est postea captiuus, vt à prædictis considerationibus oculos suos non nihil auertat, eosque ad fidem tollat, & videat, quomodo benignus